

928
コ
45

後村先生大全集

四五





後村先生大全集卷之百八十

詩話新集

陳拾遺

感遇詩云微月生西海幽陽始化昇
圓光正東滿陰魄已朝疑太極生
天地三元更廢興至精諒斯在三
五誰能徵又云蘭若生春夏羊蔚何
青青幽獨空林色朱蕤冒紫莖遲遲
白日晚嫋嫋秋風生歲華盡搖落
芳意竟何成又云蒼蒼丁零塞今古
緬荒途亭埃何摧兀暴骨無全軀
黃沙暮南起白日隱西隅漢甲三十
萬曾以事匈奴但見沙塲死誰憐塞
上孤又云

樂年為魏將食子殉軍功骨月且相薄他人安得忠
吾聞山中相乃屬放麋翁孤獸猶不忍况以奉君終
又云市人矜巧智於道若童蒙傾奪相夸後不知身
所終曷見元冥子觀世玉壺中杳然遺天地乘化入
無窮又云吾觀龍變化乃知至陽精石林何冥密幽
洞無留行古之得仙道信與元化并元感非象識誰
能測滄溟世人拘莫見酣酒笑丹經崑崙有瑤樹安
得采其英又云白日毋不歸青陽時暮矣茫茫吾何
思林卧觀無始衆芳委時悔鷓鴣悲鳴耳鴻荒古已
頽誰識巢居子又云吾觀崑崙化日月淪洞冥精魄

相交媾天壤以羅生仲尼推太極老明貴易冥西方
金仙子崇議乃無明空色皆寂滅業緣定河成名教
信紛籍死生俱未停又云聖人秘元命懼世亂其貞
如何嵩公輩諛譎誤時人先天誠為美階亂禍誰因
長城備胡寇羸禍發其親赤精既迷漢子年何救秦
去去桃李花多言死如麻又云深居觀元化排然事
朶頤群動相咬食利害紛嘖嘖便便夸毗子榮耀更
相持務先讓天下商賈競刀錐已矣行采芝萬世同
一時又云吾愛鬼谷子青谿無垢氛囊括經世道遺
身在白雲七雄方龍鬪天下久無君浮榮不足貴尊

養晦時文舒可彌宇宙見之不盈分豈徒山木壽空
與麋鹿群又云呦呦南山鹿離罟以媒和招搖青桂
樹幽蟲亦成科世情甘近習榮耀紛如何怒憎未相
復親愛生禍羅瑤臺傾巧笑玉杯殞雙蛾誰見孤城
樹青青成斧柯又云林居病時久水木澹孤清閒卧
觀物化悠悠念群生青春始前達朱火已滿盈殂落
方自此感歎何時平又云臨歧泣世道天命良悠悠
昔日殷王子玉馬遂朝周寶鼎淪伊穀瑤臺成故丘
西山傷遺老東陵有故侯又云貴人難得意賞愛在
須臾莫以心如玉探他明月珠昔稱天桃子今為春

市徒鷓鴣悲東國麋鹿泣姑蘇誰見鷓鴣子扁舟去
五湖又云聖人已去久公道細良難蚩蚩夸毗子堯
禹以為謾驕榮貴工功勢利迭相干燕王尊樂毅分
國願同歡魯連讓齊爵遺組去邯鄲伊人信往矣感
激為誰歡又云幽居觀大運悠悠念群生終古代興
沒豪聖莫能爭三季論周報七雄滅秦嬴復聞赤精
子提劍入咸京爰光既無象晉魯復縱橫堯禹道已
昧昏虐勢才行豈無當世雄天道與胡兵咄咄安可
言時醉而未醒仲尼溺東夏伯陽遜西溟天運自古
來旅人胡歡哉又云逶迤世已久骨鯁道斯窮豈無

感激者時俗類此風灌園何其鄙世道不相容皎皎
於陵子嗟嗟張相公又云 聖人不利己憂濟在元
黃屋非堯意瑤臺安可論吾聞西方化清淨道彌敦
奈何窮金玉雕刻以為尊雲構山林盡瑤圖珠翠煩
鬼功尚未可人力安能存夸愚適增累矜智道逾昏
又云元天幽且默群議曷啞啞聖人教猶在世運之
陵遲一繩將何繫憂醉不能持去去行采芝勿為塵
所欺人云蜻蛉遊天下與世本無患飛飛未能止黃
雀來相干穰侯富秦寵金石比交懼出入咸陽裏諸
侯莫敢言寧知山東客激怒秦王 布衣取丞相干

載為辛酸人云微霜知歲晏斧柯始青青此乃金天
夕浩露霑群英登山望宇宙白日已西溟雲海方蕩
瀾孤鱗安得寧人云翡翠巢南海雄雌珠樹林何如
美人意驕愛比黃金殺身及洲裏委羽玉堂陰旖旎
光首飾蕞蕤爛錦衾豈不在遐遠虞羅忽見尋多材
信為累歎息此珍禽又云擘瓶者誰子妖服當青春
三五明月滿盈盈不自珍高堂委金玉微縷懸干鈞
如何負公昂被奪笑時人又云元蟬號白露茲歲已
蹉跎群物從大化孤英將奈何瑤臺有青鳥遠食五
山禾崑崙見元鳳豈復虞雲羅人云荒哉穆天子好

與白雲期宮女多怨曠層城閉蛾眉日晚瑤臺樂豈
傷桃李時青苔空萎絕白髮生羅帷又云朝發宜都
渚浩然思故鄉故鄉不可見路隔巫山陽巫山綵雲
沒高丘正微茫佇立望已久涕淚露衣裳豈茲越鄉
感憶昔楚襄王朝雲無處所荆國亦淪亡又云昔日
章華宴荆王樂荒淫霓旌翠羽蓋射兕雲夢林竭來
高唐觀悵望雲陽岑雄圖今日在黃雀空哀吟又云
丁亥歲云暮西山事甲兵羸饑匝邛道荷戰爭羗城
巖冬陰風勁窮岫油雲生昏躋無晝夜羽檄復相驚
攀踞兢萬仞崩危遠九冥籍籍峰壑哀哀冰雪行

聖人御宇宙閒道泰階平白食謀何久葵藿編縱橫
又云可憐瑤臺樹灼灼佳人姿碧葉映朱實攀折青
春時豈不盛光寵榮君白玉墀但恨紅芳歇彫傷感
所思又云竭來豪遊子勢利禍之門如何蘭膏歎感
激自生冤衆趨明所避時棄道遊存雲泉既已失羅
網與誰論箕山有高節湘水有清源唯應白鷗鳥可
為洗心言又云索居獨幾日支夏忽然衰陽彩皆陰
翳親友盡睽違登山望不見涕泗交連湍宿夢感顏
色若與白雲期世中驕豪子驅逐正嗤嗤蜀山與楚
水攜手在何時又云金湯合神丹世人將見欺飛飛

騎羊子胡乃在蛾眉變化回幽類芳菲能幾時疲疴
苦淪世憂瘁日沒湍春然顧幽褐白雲空涕洟又云
朔風吹海樹蕭條邊已秋亭上誰家子哀哀明月樓
燕客結髮事遠遊赤丸殺公吏白刃報私讎
避仇至海上被役此邊州故鄉三千里遠水復悠悠
每憤胡兵入常為漢國羞何如七十載白首未封侯
又云本為貴公子平生實愛才感時思報國拔劍起
蒿萊西馳丁令塞北上單于臺登山見千里懷古心
悠哉誰言未忘禍唐沒成塵埃又云浩然生何暮吾
蜀有蛾眉念與楚狂子悠悠白雲期時哉悲不會涕

泣文連而夢登綬山穴南采巫江芝探元觀奇化遺
世從雲螭婉孌將永矣感悟不見之又云朝入雲中
郡北望單于臺胡秦何密邇沙朔氣雄哉籍籍天矯
子猖狂已復來塞壇無名將亭堠空崔嵬咄嗟吾何
歎邊人塗草萊又云仲尼探元化幽鴻順陽和大運
自盈縮春秋遞來過盲颺忽號怒萬物相紛劇溟海
皆震蕩孤鴻其如何

編詩自唐人有李杜泛浩浩韓柳靡蒼蒼之句金既
以此四君子冠篇首然以輩行歲月較之則陳拾遺
在四君子之上感遇之作雖朱文公命世天儒赤涼

然起敬昔摘數聯今全錄于此

李杜

子美墓誌云娶弘農楊氏司農少卿怡之女四十九而終子宗武至死不克葬其子嗣業後四十餘年乃克葬于首陽山前長子宗文者傳記皆不言其所終豈夫學遂無聞與如樹鷄柵之類必非精文選者太白後序云娶許生一女二男女曰明月奴嫁而卒繼劉次合魯生子曰頗黎終娶宗凡四娶又云携駿馬美妾所適二十石郊迎飲數斗世號李東山余記白子名伯禽今新舊唐史皆不載新史載其二孫女

嫁為民妻進止有風範謂觀察使范傳正言先祖志在青山葬東麓非其志傳正為改葬青山又欲使二女改妻士族辭以命也不願更嫁傳正復其夫徭役頗黎豈伯禽之小字歟史逸其事當攷白與宗十六詩云晚娶宗序訛為宋世傳退之有題子美墳七言一首末章有三賢所歸同一水之句此篇出入平仄數韻累三十六句其辭鄙淺無一字是韓筆韓集李漢所編亦無此篇

元微之作子美墓誌及銘皆高古如云子美上薄風騷下該沈宋言奪蘇李氣吞曹劉掩顏謝之孤高雜

徐庾之流麗盡古今之體製無文人之所獨專說得出其評李杜謂太白壯浪縱恣擺去拘束模寫物象及樂府歌詩誠亦差肩子美矣至若鋪陳終始排比聲韻天子言次數百詞氣豪邁屬對律切李尚不能歷其藩翰况壺奧乎則抑揚太甚

國初盛稱二何之交苦不多見僅序杜詩云公詩支為六家孟郊得其氣焰張籍得其簡麗姚合得其清雅賈島得其奇僻杜牧薛能得其豪健陸龜蒙得其瞻傳此數語亦近似但郊謂之得杜氣骨可也烏有所謂焰哉能詩非收比不可並稱龜蒙非甚瞻博亦

不著余謂善評杜詩無出半山吾觀少陵詩謂與元氣侔之篇萬世不易之論王逢原云雕鐫物象三千首照耀乾坤四百春雖面前語他人亦不能道揚大年歐陽公皆不喜杜子美詩王介甫不喜太白詩殊不可曉介甫之說云白詩十句九句說婦人酒耳獨不思命高將軍脫靴識郭汾陽於貧賤時比開元貴妃子飛燕豈說婦人酒者所能為耶晦翁亦云近時詩人何曾夢見太白脚後板

故人陳伯寔瞻郎中讀北征詩戲語余云子美善譏如云粉黛忽解苞籍盡眉闌雖妻子亦不怨余云

公知其一爾別詩云清輝玉臂寒則閨中之膚色玉
耀可見又云何時倚虛幌雙照淚痕乾其篤於伉儷
如此伯靈大笑

白與裴長史書云蜀中友人吳指南死於洞庭之上
白禪服慟哭若喪天倫夔月伏屍泣盡繼之以血權
殯湖側自今陵歸數年遺骸猶在白雪泣裏骨徒步
負之而趨丐貸營切於鄂城之東其自序如此史亦
不書

史言明皇欲官太白為妃所沮余觀飛燕在昭陽之
語不足深憾雪纒詩自序甚詳略去漢祖呂氏食其

在旁秦皇太后毒亦淫荒時妃以林山為兒史云宮
中有醜聲而白肆言無忌如此同人于玉環多事微
婉其辭如云養在深閨人未識人云薛王沉醉壽王
醒又云不從金輿惟壽王白獨昌言之可見剛稜嫉
惡可破公疑其以召怨力士因借此以報脫靴之辱
豈飛燕之語能為祟哉

李郭皆唐名將臨淮馭軍嚴士不敢仰視汾陽頗寬
大故子美新安吏點兵詩云送行勿泣血僕射如父
兄

岳陽樓云昔聞洞庭水今上岳陽樓吳楚東南拆乾

坤日夜浮親朋無一字老病有孤舟
軒涕泗流岳陽樓賦詠多矣須還此篇獨步非孟浩然輩所及

千秋節云寶鏡群臣得金吾萬國迴衢樽不重飲自首獨餘哀按子美在天寶間雖獻三賦未嘗一用不過扈駕入蜀暫為諫官而追懷開元于十九年之後寶鏡群臣得金吾萬國迴之句言群臣皆賜敬而金吾伏衛萬里還京獨嘗艱阻末云衢樽不重飲自首獨餘哀公于唐朝諸公中最疎遠而一念不忘忠愛此陳希烈張均張均兄弟窮富極貴貴唐臣賊罪不

容誅矣

本朝詩僧道潛自號參寥了太白有贈參寥子一篇云白鶴飛天書南荆訪高士五雲在岷山果得參寥子骯髒辭故園昂藏入君門天子分玉帛百官接話言長揖不受官拂衣歸林巒此一僧一道士皆號參寥以先後言則潛為頂冒聊託之以發一笑

新安吏潼關吏石壕吏新婚別重老別無家別諸篇其述男女怨曠室家離別父子夫婦不相保之意與東山采薇出車杖杜數詩相為表裏唐自中葉以後役詞發為常至于亡國肅代而後非復貞觀開元之

坤日夜浮親朋無一字老病有孤舟戎馬闌山北憑
軒涕泗流岳陽樓賦詠多矣須還此篇獨步非孟浩
然輩所及

千秋節云寶鏡群臣得金吾萬國迴衢樽不重飲白
首獨餘哀按子美在天寶間雖獻三賦未嘗一用不
過扈駕入蜀暫為諫官而追懷開元于十九年之後
寶鏡群臣得金吾萬國迴之句言群臣皆賜敬而金
吾伏衛萬里還京獨嘗艱阻末云衢樽不重飲白首
獨餘哀公于唐朝諸公中最疎遠而一念不忘忠愛
比陳希烈張均張均兄弟窮富極貴責唐臣賊罪不

容誅矣

本朝詩僧道潛自號參寥了太白有贈參寥子一篇
云白鶴飛天書南荆訪高士五雲在岷山果得參寥
子龍麟辭故園昂藏入君門天子分玉帛百官接語
言長揖不受官拂衣歸林巒此一僧一道士皆號參
寥以先後言則潛為頂冒聊託之以發一笑

新安吏潼關吏石壕吏新婚別重老別無家別諸篇
其述男女怨曠室家離別父子夫婦不相保之意與
東山采薇出車杖杜數詩相為表裏唐自中葉以後
役詞發為常至于亡國肅代而後非復貞觀開元之

唐矣新舊唐更不載者略見杜詩

太白百憂萬憤二篇百憂上崔相者員也云台星再
朗天網重恢屈法伸恩棄瑕取才卒賴員力北歸萬
憤投魏即中不知魏何人乃儕之崔相之列此篇云
樹椿拔桂四鸞罷雞語甚新又言兄弟妻子離隔有
一門骨肉散百草遭難不復相提携之句魏必是一
志義之士能恤人患難者當攷

八哀詩如張曲江云仙鶴下人間獨立霜毛整上君
白玉堂倚君金華省如李北海云古人不可見前輩
復誰繼文雲碑板照四裔又云豐屋珊瑚釣麒麟識

成巔紫駟隨劍几義取無虐盡又云獨步四十年風
聽九臯咬子美惟于此二公尤尊敬如李臨淮云平
生白羽扇零落蛟龍匣極悲壯又云青繩紛營營風
雨秋一葉內省未入朝死淚終暎睫其形容臨淮憂
讒畏譏不敢入朝之意說得出餘人如鄭虔之類非
無可說但每篇多蕪辭累句或為韻所拘殊欠條毛
不知飲中八仙之警策蓋八仙篇每人只三兩句八
哀詩或疊押二三十韻以此知繁不如簡大乎筆亦
然

太白求白鵬詩云照影玉潭裏刷毛琪樹間夜樓寒

唐矣新舊唐史不載者略見杜詩

太白百憂萬憤二篇百憂上崔相者員也云台星再
朗天網重恢屈法仲思棄瑕取才卒賴員力北歸萬
憤投魏即中不知魏何人乃儕之崔相之列此篇云
樹椿拔桂四鸞罷雜語甚新又言兄弟妻子離隔有
一門骨肉散百草遭難不復相提携之句魏必是一
志義之士能恤人患難者當攷

八哀詩如張曲江云仙鶴下人間獨立霜毛整上君
白玉堂倚君金華省如李北海云古人不可見前輩
復誰譔文雲碑拔照四裔又云豐屋珊瑚釣麒麟識

成蜀紫駟隨劍几義取無虐處又云獨步四十年風
龍九臯咬子美惟于此二公尤尊敬如李臨淮云平
生白羽扇零落蛟龍匣極悲壯又云青繩紛營營風
雨秋一葉內省未入朝死淚終映睫其形容臨淮憂
讒畏譏不敢入朝之意說得出餘人如鄭虔之類非
無可說但每篇多蕪辭累句或為韻所拘殊欠條屯
不知飲中八仙之警策蓋八仙篇每人只三兩句八
哀詩或疊押二三十韻以此知繁不如簡大乎筆亦
然

太白求白鷗詩云照影玉潭裏刷毛琪樹間夜樓寒

月靜朝步落花開唐人詠白鷗者極少本朝歐梅皆
有此作當更求鷗詩以補遺

醉答丁十八云黃鶴高樓已推碎黃鶴仙人無所依
黃鶴上天訴玉帝却放黃鶴江南歸神明太守再調
飾新圖粉壁還芳菲一州笑我為狂客少年往往來
相譏君平簾下誰家子云是遼東丁令成作詩掉我
驚逸興白雲遶筆窓前飛待取明朝酒醒罷與君爛
熯尋春暉丁十八不知為何人敢與謫仙挑戰豈非
任棠之流乎

贈岑徵君云岑公相門子雅望歸安石奕世皆夔龍
中台有三折雖登洛陽殿不屈巢由身余亦謝明王
令稱偃仰臣登高覽萬古思與廣成鄰西來一搖扇
共拂元規塵此篇清振不書徵君名豈非與子美
同為遺補者乎按京兆杜確序岑參詩言參曾大
父文本天父長靖伯父羲皆至台輔則徵君只是此
人無可疑者但序云參天寶三載進士高第歷官至
右補闕起居郎入為郎出為京西判官嘉州刺史不
言其嘗被徵召豈偶遺忘耶

別宗十六云我非東床人令姊忝齊眉浪迹未出世
空名動京師適遭雲羅解翻作夜郎悲掘妻鑊鉞劍

月靜朝步落花開唐人詠白鷗者極少本朝歐梅皆
有此作當更求鷗詩以補遺

醉答丁十八云黃鶴高樓已搥碎黃鶴仙人無所依
黃鶴上天訴玉帝却放黃鶴江南歸神明太守再調
飾新圖粉塵還芳菲一州笑我為狂客少年往往來
相譏君手簾下誰家子云是遼東丁令威作詩掉我
驚逸興白雲遠筆窓前飛待取明朝酒醒罷與君爛
熯尋春暉丁十八不知為何人敢與謫仙挑戰豈非
任棠之流乎

贈岑徵君云岑公相門子雅望歸安石奕世皆夔龍

中台有三折雖登洛陽殿不屈巢由身余亦謝明主
令稱偃仰臣登高覽萬古思與廣成鄰西來一搖扇
共拂元規塵此篇清拔不書徵君 名豈非與子美
同為遺補者乎按京兆杜確序 岑參詩言參曾大
父文本天父長靖伯父義皆至台輔則徵君只是此
人無可疑者但序云參天寶三載進士高第歷官至
右補闕起居郎入為郎出為京西判官嘉州刺史不
言其嘗被徵召豈偶遺忘耶

別宗十六云我非東床人令姊忝齊眉浪迹未出世
空名動京師適遭雲羅解翻作夜郎悲掘妻鏤卸劍

及此三龍隨慙君湍波若千里遠從之白帝曉猿斷
黃牛過客遲遙瞻明月峽西去益相思妻與團兄從
至夜即與集序終娶于宗之說合注家或以宗為宗
或以宗為宋但當以白詩為正

江陵送馬卿云天意高難問人情老易悲惠子云皇
天無老眼空谷滯斯人唐人送山人處士五言多矣
此二聯劉隨州鮑溶輩精思不能逮

小寒食舟中云春水船如天上坐老年花似霧中看
此聯在目前而古今人所未發

天育驪騎歌云伊昔太僕張景順監牧攻駒閱清峻

遂令大奴守天育

天育監名大奴謂王毛仲

別養驥子憐神俊

當時四十萬匹馬張生歎其材盡下故獨寫真傳世
人見之座右文更新年多物化空影形嗚呼健步無
由騁如今豈無駿憂與驛驅時無王良伯樂死即休
又題韋偃馬云韋侯別我有所適知我憐居畫無敵
戲拈秃筆掃驂駒歛見麒麟出東壁一匹薮草一匹
嘶坐看千里當霜蹄時危安得真致此與人同生亦
同死少陵馬詩多矣此二篇及曹霸丹青引尤老蒼
一洗萬古

杜鵑行云寄巢生子不自啄群鳥至今為哺雛雖同

君臣有舊禮骨月滿眼身羈君此篇以為車駕幸蜀
六宮莫從萬官竄伏奔問行在者絕少又義鵬行云
飄蕭覺素髮凜欲衝儒冠又云永激壯士肝似謂當
時有權位而不能拯人之急脫人于難者

前出塞云君已富拓土開疆抑何多棄絕父母恩吞
聲行負戈又云生死向前去不勞吏怒嗔路逢相識
人附書與六親哀哉兩訣絕不復同若辛又云軍中
異苦樂主將寧盡聞又云殺人亦有限立國亦有疆
苟能制侵陵豈在多殺傷又云驅馬天雨雪軍行入
高山逕危抱寒石指落曾水間已去漢月遠何能築

城還後出塞云千金買馬鞍百金裝刀頭又云漁陽
豪俠地擊鼓吹笙竽雲帆轉遼海粳稻來東吳越羅
與楚練照耀輿臺軀主將位益崇驕氣凌上都遣人
不敢議議者死通衢又云中夜間逃歸故里俱空村
惡名幸脫免窮老無兒孫謂逃祿山
之難者此十四篇筆力
與文選中擬古十九首並驅

太白擬古十三首感興六首文義或不相屬與集中
五言古詩絕不類豈貫休之徒效顰歟

望鸚鵡洲云魏帝營八極蟻觀一禰衡黃祖斗筭人
殺之受惡名鸞鵲啄孤鳳十春傷我情至今芳洲上

蘭蕙不忍生此篇有無窮之悲

永王東巡歌內一絕云三川北虜亂如麻四海南奔似永嘉但用東山謝安石為君設笑靜胡沙按永王辟客如孔巢父亦在其間白其一爾此篇所謂謝安石不知屬誰可見白負不淺然十篇只目王為帝子受命東巡與王衍阮籍勸進事不同姑熟十詠前輩疑非白作信然

越中覽古云越王勾踐破吳歸義士還家盡錦衣宮女如花滿春殿只今惟有鷓鴣飛蘇臺覽古云舊苑荒臺楊柳新菱歌清唱不勝春只今惟有西江月曾

照吳王宮裏人二首可入七言絕句

上皇西巡歌云柳色未饒秦地綠花光不減上林紅人云地轉錦江成渭水天迴玉壘作長安未云少帝長安開紫極雙懸日月照乾坤時上皇播遷于蜀非欲留蜀者今或稱錦江玉壘無異渭水長安又謂雙懸日月照乾坤若為少帝諱不力請回鑿者此所以
上皇有乞我劍南一道之歎歟

秋浦十五首云秋浦長似秋蕭條使人愁遙傳一掬淚為我達揚州又云秋浦錦駝鳥人間天上稀山鷄羞綠水不敢照毛衣又云山川如剡縣風日似長沙

又云兩鬢入秋浦一朝颯已裏猿聲催白髮長短盡
成絲雖五言然多佳句

玉壺吟云西施宜笑復宜顰醜婦效之徒害身君王
雖愛蛾眉好無奈宮中妬殺人則妃嘗沮自信而有
證

笑歌行悲歌行太淺易欠豪放前輩疑非白作

韋偃雙松圖云天下幾人西古松畢宏已老韋偃少
絕筆長風起纖末滿堂動色嗟神妙兩株慘裂苔蘚
皮屈鉄文錯迴高枝白摧朽骨龍虎死黑入太陰雷
雨垂松根胡僧憇寂寞龍眉皓首無住著但袒右肩

露雙脚葉裏松子僧前落韋侯韋侯數相見我有一
疋好素絹重之不减錦綉段今已拂拭光凌亂請公
放筆為直幹韋畢李之畫今皆不存賴詩以傳內白
摧朽骨龍虎死黑入太陰雷雨垂天造險語西古松
奇怪之狀李尊師松障雷雨更覺良工心獨苦前輩
多稱此句

張舍人造縛段云開緘風濤湧中有掉尾鯨空堂魑
魅走高枕形神清領客珍重意願我非公卿服飾定
尊卑大哉萬古程今我一賊老短褐更無營煌煌珠
宮物寢處禍所嬰昔聞黃金多坐見悔吝生奈何田

舍翁受此厚貺情錦鯨卷還客始覺心和平可見子
美一介不取之意

病柏云有柏生崇岡童童狀車蓋偃蹇龍虎姿生當
風雲會豈知千年根中路顏色壞出非不得地蟠據
亦高大歲寒忽無憑日夜柯葉改丹鳳領九雛哀鳴
翔其外鷓鴣志意滿養子穿穴內客從何鄉來竚立
久吁怪唐自閩者力士輔國士良朝恩弄權怙寵元
勲老将如汾陽臨淮西平北平皆凜凜不自安此篇
辭不迫切而意獨至

病橘之作傷微物失所至于困瘁內云嘗聞蓬萊殿
羅列瀟湘姿此物歲不稔玉食失光輝冠盜尚憑陵
當君減膳時汝病是天意吾諗罪有司言此菓
奉玉食今以病見廢咎有司失包貢反不若南海荔
支歲馳至長安爾

枯椽篇云蜀門多椽欄高者十八九其皮割剝甚雖
衆亦易朽交橫集斧斤凋傷先蒲柳傷時苦軍乏一
物官盡取嗟爾江漢人生成亦何有有同枯椽木使
我沉歎久死者即已休生者何自守注云蜀人取皮
以充用如邊吏誅求江漢民力以供軍必至于剝盡
而後已

枯補篇云梗楠枯崢嶸鄉黨皆莫記不知幾百歲
慘無生意上枝摩皇天下根蟠厚地巨圍雷霆折萬
孔蟲蟻萃白鴉遂不來天雞為怨思猶含棟榭具
復霄漢志良工古昔少識者出涕淚種榆水中央
長何容易截成金露盤裊裊不自畏以榆本承露
是以輕承重豈不裊裊可畏乎註言大材不用而
脆鬼瑣之材反居重任

東山吟云携妓東山去悵然悲謝安我妓今朝如花
月他妓古墳荒草寒白雞夢後三百歲灑酒澆君同
所歡酣來自作青海舞秋風吹落紫綺冠彼亦一時

此亦一時 浩洪流高詠何必奇晉至今且千歲皆
以謝公為風流之宗雖半山岷強金陵諸詩篇篇起
敬惟謫仙平視謝公與之對壘無所推讓時人號為
李東山固以李配謝矣

草書歌云墨池飛出北溟魚筆鋒殺盡中山兔八月
九月天氣涼酒徒詞客滿高堂須臾掃盡數千張飄
風聚雨驚颯颯落花飛雪何茫茫起來向壁不停午
一行數字大如斗恍恍如聞鬼神驚時時但見龍蛇
走左盤右感如驚電狀同楚漢相攻戰王逸少張伯
英古來幾許浪得名張顛老死不足數我師老技不

師古人來萬事貴天何必要公孫大娘渾脫舞自有
草書以來未有能形容此妙者楚漢數語真可以破
鬼膽

遊泰山云清曉騎白鹿直上天門山山際逢羽人方
瞳好容顏捫蘿欲就語却掩青雲關遺我鳥跡書飄
然落巖間其字乃上古讀之了不開感此三歎息從
師方未還又云平明登日觀舉手開雲關精神四飛
揚如出天地間黃河從西來窈窕入雲山憑崖覽八
極目盡長空開偶然值青童綠髮雙雲鬢笑我晚學
仙蹉跎凋朱顏躊躇忽不見浩蕩難追攀又云舉手

弄清淺誤攀織女機明晨坐相失但見五雲飛此六
首皆仙人語非學仙人語亦非任棠輩所敢擬倫丁
十八輩所敢挑戰者

朝魯儒云魯叟談五經白髮死章句問以經濟策茫
如墮烟霧足著遠遊履首戴方頂巾緩步從直道未
行先起塵秦家丞相府不重褒衣人君非叔孫通與
我本殊倫時事且未達歸耕汝水濱此篇幾于以儒
為戲然秦家丞相府不重褒衣人非謫仙不能道
過彭蠡云謝公入彭蠡因此遊松門余方窺石鏡兼
得窮江源而欲繼風雅豈惟清心魂雲海方助興波

壽何足論水碧 可採金膏 莫言人將振衣去羽
化出黑頰此篇 陶謝意

與道者談元云茫茫大夢中惟我獨先覺騰轉風大
未假合作容貌滅除昏疑盡頷略入精要朗悟前後
際始知金仙妙公詩多說仙惟此篇兼說金仙
顯薛少保畫鶴云薛公十一鶴皆寫青田真低昂各
有意磊落如長人佳此志氣遠豈惟粉墨新赤霄有
真骨豈欲誇池津冥冥任所往脫略誰能馴又角鷹
歌云楚公畫鷹鷹戴角殺氣森森到幽朔觀者貪愁
制臂飛畫師不是無心學此鷹寫真在左綿却嗟真

骨遂虛傳探間燕雀休驚怕亦未搏空上九天此鶴
此鷹賴詩而傳則詩壽于畫矣赤霄有真骨豈欲誇
池津之句羽類無敵者時人不識角鷹本色而以左
綿畫本為真雖探間燕雀亦驚怕故卒章有亦未搏
空上九天之句

前打魚篇於衆魚中獨云赤鯉騰出如有神又云鯨
魚肥美如第一而徐州禿尾漢陰槎頭皆不足數又
云既飽歡娛亦蕭瑟未云君不見朝來割素鬢咫尺
波濤永相失後打魚云小魚脫漏不可記半死半生
猶戢戢大魚傷損皆垂頭屈強沙泥有時立東津觀

魚已再來主人龍鱠還傾盃日暮蛟龍改窟穴山根
鱸鮓隨雲雷干戈兵爭鬪未已鳳凰麒麟安在哉吾
徒胡為縱此樂暴殄天物聖所哀兩篇末句皆不忍
暴殄之意公詩深得風人之義

崔宗文樹雞柵篇押十八韻頗奇澁欠瀏亮然宗文
能領會非若阿買之不識字

摘蒼耳篇云江上秋已分林中瘴猶劇畦丁告勞若
無以供日夕卷耳况療風童兒且時摘侵星驅之去
爛熳任遠適放筐亭午際洗剝相蒙幕登牀半生熟
下筋還小益亂世誅求急黎民糠粃窄飽食復何心

荒哉膏粱客富家厨肉臭戰地骸骨白公雖羈旅奔
竄一飲啄間不忍自求温飽侵星驅出摘采者不知
是畦丁或蒼頭詩但云兒童往往是宗文兄弟爾
負薪行言夔州俗坐男而女立有四十五無夫家
者未云若道巫山女麤醜何得此有昭君村最能行
云峡中丈夫絕輕死少在公門多在水小兒學問止
語論大兒結策隨商旅此鄉之人氣量窄悞競南風
疎北客若道士無英俊材何得山有屈原宅始言夔
峽二邦之陋未以昭君屈原勉勵其士俗公詩篇篇
忠厚如此

舞劍器行所世贈矣絕妙好辭也內云先帝侍女八
千人公孫劍器初第一五十年間似反掌風塵瀕洞
昏玉室梨園子弟散如烟女樂餘姿映寒日金粟堆
南木已拱瞿塘石城草蕭瑟玳筵急管曲復終樂極
哀來月東出餘謂此篇與琵琶行一如壯士軒昂赴
敵場一如兒女恩怨相爾汝杜有建安黃初氣骨白
未脫長慶體爾
代內云寶刀裁流水無有斷腸詩妾意逐君行纏綿
亦如之又云妾似井底桃開花向誰笑君如天上月
不肯一迴照又云窺鏡不自識別多憔悴深安得秦

舌了為人道寸心得陽非所寄寄內云君同蔡琰流
淚請曹公又贈內云三百六日日日醉如泥雖為
李白婦何異太常妻世稱太白名姬駿馬若放蕩者
然于倫紀尤厚別篇云妾家三作相為許氏潯陽寄
內則為宗氏作矣終始篤于伉儷如此宗氏垂淚訟
寃之事史不書

李杜一生流落不偶然交遊皆名卿相杜于房瑄李
于張鎬見于賦詠意氣投合情誼慷慨三公皆為唐
佐命勳在帝室然終不能攀致李杜一羈旅雲安潼
谷拾橡栗而食一放逐夜郎秋浦聞猿聲而哭豈兩

賢文章光燄取數于天者已多折磨而然歟
攝監察御史崔成甫贈李十二云我是瀟湘放逐臣
君辭明主漢江濱天外常求太白老金陵捉得酒仙
人白酬崔侍御云嚴陵萬乘不從遊歸臥空山釣碧
流自是客星辭帝座元非太白醉揚州成甫亦必豪
傑之士更相稱譽如此答友人贈烏紗帽云領得烏
紗帽全勝白接山人不照鏡稚子道相宜山中答
俗人云問余何意棲碧山笑而不答心自閒桃花流
水杳然去別有天地非人間答湖州迦葉司馬問白
是何人云青蓮居士謫仙人酒肆藏名三十春湖州

司馬何須問金粟如來是後身此三篇可入五七言
絕句

長門怨云天迴北斗挂西樓金屋無人螢火流月光
欲到長門殿別作深深一段愁此篇雖只二十八字
然婉而成章哀而不怨勝長賦

扶風豪士歌云原嘗春陵六國時開心露膽君所知
堂中各有三千士明日報恩知是誰四公子之客多
鷄鳴狗吠之徒豈能一一報恩哉羅隱云思量郭隗
平生事不殉昭王是負心郭隗能致樂毅劇辛以報
燕昭朱亥輩恐未能辦此

訪范居士夾道落蒼耳中見范置酒摘蒼耳云他筵
不下筋此席忘朝饑菓茹之品多矣蒼耳微物而李
杜皆形之賦詠物之遭遇亦有時耶

題元丹邱五言三篇云松風清襟袖石潭洗心耳又
云忽遣蒼生望獨與洪崖群元丹邱不知何人而白
稱之如此以丹邱二字觀之恐是天台雁蕩人然山
居在潁陽不可曉

謫仙詩如古風六十三首及樂府諸篇又古律詩舉
世誦習者不錄今所採錄或一篇或數句各有意義
覽者詳之

後村先生全集卷之一百八十一

後村先生全集卷之百八十二

詩話新集

此一篇專為杜陵補遺

陳拾遺故宅詩至此之郭元振唐人敬重拾遺如此
文上人上方云庭前猛虎卧遂得文公廬吾師兩花
外不下十年餘長者自布金禪龕只晏如又云王侯
與蟻螻同盡隨邱墟願聞第一義回向心地初此僧
不知何人必深於內典者

莫相疑行男兒生無所成頭皓白牙齒欲落真可惜
憶獻三賦蓬萊宮自怪一日聲恒赫集賢學士如堵

牆觀我落筆中書堂往時文彩動人主此日飢寒趨
路傍晚將未契託年少當面輸心背面笑寄謝悠悠
世上兒不爭好惡莫相疑他人於當面輸心背後笑
之下文必有餘怨公卒章優游閑暇了無忿意

閩州絕句云殿前兵馬雖驍雄縱暴畧與羌渾同聞
道殺人漢水上婦女多在官軍中當時殿前兵無紀
律如此別篇云二十一家同入蜀惟殘一人出駱谷
當必子美自謂

枹木為風雨所拔云倚江枹木草堂前故老相傳二
百年誅茅卜居揔為此五月髣髴聞寒蟬東南飄風

動地至江翻石走流雲氣滄波老樹性所愛浦上童
童一青蓋虎倒龍顛委榛棘淚痕血點垂胸臆我有
新詩何處吟草堂自此無顏色茅屋為秋風所破云
八月秋高風怒號卷我屋上三重茅南村羣童欺我
老無力忍能對面為盜賊公然抱茅入竹去唇焦口
燥呼不得秋天漠漠向昏黑布衾多年冷似鐵驕兒
惡臥踏累裂床床屋漏無乾處兩脚如麻未斷絕安
得廣廈千萬間大庇天下寒士俱歡顏風雨不動安
如山嗚呼何時眼前哭兀見此屋吾廬獨破受凍死
亦足溪枹屋茅為風所拔不以草堂茅屋飄飄為憂

方有惜古木庇寒士之意其迂濶如此

天邊行云九度附書向洛陽十年骨肉無消息大麥
行云大麥乾枯小麥黃婦女行泣夫走藏問誰腰鐮
胡與羌苦戰行云苦戰身死馬將軍云是伏波之子
孫任馬璘也去秋行云去秋涪江木落時臂槍走馬
誰家兒到今不知白骨處部曲有去皆無歸戰場冤
魂每夜哭空令野營猛士悲此數篇皆可補史之缺
文但遂州白骨不歸失其姓名當攷

草堂云矻矢暗江海難為遊五湖不忍竟舍此復來
難榛蕪天下尚未寧健兒勝腐儒此篇嘆還吳未可

重值浣花搵蕪四松萬竹無恙隣里大官賓客喜歸
可見隨寓而安之意於時天下未寧固有健兒勝腐
儒之句卒章云飄飄風塵際何地置老夫飲咏愧殘
生食蕨不敢餘其語意雍容閑暇有雅人之深致
牽牛織女篇云牽牛出河西織女處其東萬古永相
望七夕誰見同神光竟難候此事終朦朧颯然精靈
合何必秋遂逢前人詠牛女者所未及

壯遊詩押五十六韻在五言古風中尤多悲壯語如
云往者十四五出遊翰墨場斯文在魏起以我似班
揚又云脫畧小時輩結交皆老蒼東下姑蘇臺已其

浮海航到今有遺恨不得窮扶桑又云上感九廟焚
下憫萬民瘡小臣議論絕老病客殊方雖荆卿之歌
雍門之琴高漸離之筑音調節奏不如是之跌蕩豪
放也

二角鷹篇云惡鳥飛飛啄金屋安得爾輩空其群驅
出六合梟鸞分子美前有左綿畫角鷹詩此二篇乃
真本非左綿畫本也

馮懷篇云禍首燧人氏厲階董狐筆君看燈燭張轉
使飛蛾密注云燧人火化而爭欲之心生董狐直筆
而是非之端起其說甚新

可嘆篇云天下浮雲如白衣斯須變改如蒼狗古往
今來共一時人生萬事無不有丈夫正色動引經鄣
城客子王季友貧窮老瘦家賣屐好事就之為携酒
豫章太守高帝孫引為賓客敬頗久聞道三年未曾
語小心恐懼閉其口太守得之更不疑人生反覆看
已醜時危可仗真豪俊二人得置君側否詩言王季
友誠賢士但為太守客當有市獄薤水之規今三年
恐懼不出口何也說將且如此使其在君側其能補
衮職之闕哉客以嘿求容主以嘿求賢恐非篤論然
子美終以義和禹旦事業望王季殊不可曉末云吾

碌碌飽飯行風后力收長回首乃知子美以風后力收自期抱負尤不淺矣

醉為馬墜云騎馬忽憶少年時散蹄迸落瞿塘石白帝城門水雲外低身直下八千尺向來皓首驚萬人自倚紅顏能騎射不虞一蹶終損傷人生快意多所辱朋知來問覩我顏杖藜強起依僮僕語盡還成開笑口提携別掃清溪曲共指西日不相貸喧呼且覆杯中渌此篇可見壯老衰健之異末云何必走馬來為問君不見嵇康養生被殺戮南華云魯有單豹者岩居水飲七十有童孺之色不幸遇虎殺而食之有

張毅者高門縣簿無不走也四十而有內熱之病以死豹養其內而虎食其外毅養其外而病攻其內乃公卒章之意

遣懷篇言梁孝王都邑之盛及追懷與高適李白同登吹臺未有拊孤之句公飄飄一羈旅而葛屨練裳之念如此高季豈無厚祿故人聞之得無愧乎

大覺蘭若云一老猶鳴日暮鐘諸僧尚乞齋時飯可見寺小僧貧之狀

折檻行云嗚呼房魏不復見秦王學士時難羨千載少似朱雲人至今折檻空嶙峋婁公不語宋公語尚

憶先皇容直臣前思房魏次援朱雲後憶婁宋末云
尚憶先皇容直臣此必子美追懷諫省時論事不合
傷今思古而作

朱鳳行云君不見瀟湘之側衡山高山巔朱鳳聲嗷
嗷側身長顧求其羣翅垂口喋心甚勞下墜百鳥在
羅網黃雀最小猶難逃願分竹實及螻蟻盡使鷓鴣
相怨號衡岳有朱鳥峯此篇言朱鳥孤立無助栖托
雖高不忍求自飽必欲百鳥如黃雀之類在羅網者
皆分竹實以及之不暇計鷓鴣輩怨號矣

遣遇篇云石間采蕨女鬻菜輸官曹丈夫死百役暮

返空村號聞見事畧同刻剝及雖刀貴人豈不仁視
爾如莠蒿夫死於役僅存婦女采蕨鬻菜以輸官夫
民之窮甚矣而官吏刻剝尤甚於錐刀此獨不指里
胥亭長輩內自袒庸使外自觀察使不得不受其責
故有貴人豈不仁視汝如莠蒿之句錄之以告居大
位者

望嶽云南嶽配朱鳥秩禮自百王歛吸領地靈鴻洞
丰炎方邦家用祀典在德惟馨香巡守何寂寥有虞
今則亡祝融五峯尊峯峯次低昂紫蓋獨不朝爭長
喋相望恭聞魏夫人群仙夾翺翔望嶽之作多矣余

行役過馬欵靈瓊坐悅亭宿勝業寺畧日嶽令與山
中人謂余慕向道者將以昧爽登絕頂夕忽大雪余
猶攀緣而上望上封咫尺雪泥沒膝不可行然耳目
之所睹記公詩真此山圖經也

謁玄元廟次昭陵二詩鉅麗峻壯為千古五言律詩
典則其歸美開基責望守成傷今思古有無窮忠愛
之義

與韋左丞五言二篇當以古風為勝左丞名濟又與
韋左相律詩二十韻頗稱其相業此韋公名見素與
張卿二十韻張卿名均說子均弟弟兄貴盛遭漁陽

之變合門御難未足以報唐家今相率北面而臣賊
均帝婿也故明皇欲致之死汜全要領可謂失刑寄
高書記云嘆息高生老新詩口又多美名人不及佳
句法如何主將叔才子崆峒足凱歌聞君已朱綬且
得慰蹉跎憶李白云不見李生久佯狂真可哀世人
皆欲殺吾意獨憐才敏捷詩十首飄零酒一杯匡山
讀書處頭白早歸來此二篇非高李不敢當非子美
不能道

遊何將軍山林前十首後半之如云鮮鯽銀絲膾香
芹碧澗羹又云萬里戎王子何年別月支漢使徒空

到神農竟不知注云何將軍嘗征西域禽其王子歸傳其地花草數種又云花妥鴛捐蝶溪喧獺趁魚又云子自移蒲柳家纔足稻梁何將軍舊注莫詳其人公詩有將軍不好武稚子總能文之句必勲貴中之好事者

遣興云驥子好男兒前年學語時問知人客姓誦得老夫詩世亂憐渠小家貧仰母慈鹿門移不遂雁足繫難期天地軍麾滿山河戰角悲倘歸免相失見日敢辭遲驥子宗武小名公稱之如此公以其知客姓誦翁詩為喜又別篇云驥子春猶隔又云驥子最憐

渠鍾情幼子如此而無一字及熊兒故余疑宗文失學

憶弟云喪亂同吾弟饑寒傍濟州人稀書不到兵在見何由又云百戰今誰在三年望汝歸又元日寄妹云近聞韋氏妹迎在漢鐘離春城迴北斗郢樹發南枝不見朝正使啼痕滿面垂公流落顛沛而一念不忘弟妹內云百戰今誰在三年望汝歸又云不見朝正使啼痕滿面垂讀之感慨不但隆友愛而厚紀倫其厭離亂而思昇平以不見朝正使為恨言四方表章未達行在恐未有見妹之期耳

聞官軍臨賊篇二十韻多佳句如云泰山當警蹕漢苑入旌旄路濕羊腸險雲橫雉尾高可見崎嶇巴蜀播遷梁益乘輿危迫之狀元帥歸龍種司空握豹韜注云廣平王為元帥郭汾陽副之前軍蘇武節左將呂虔刀其叙時事甚悲壯老健未云家家賣釵釧只待獻香膠寧賣釵釧以易香膠可見時人厭亂之極贈嚴閣老云客禮容疎放官曹可接聯新詩句句好應任老夫傳嚴武雖跌蕩不羈然能客杜陵亦豪傑之士其詩往往附見杜集所謂句句好之評亦非過情之譽

送郭中丞云箭入昭陽殿笳吟細柳營內人紅袖泣王子白衣行詳此二聯必是述代宗幸陝之事春宿左省云不寢聽金鑰因風想玉珂明朝有封事數問夜如何岑參寄左省杜拾遺篇云聯步趨丹陛分曹限紫微晚隨天仗入暮惹御香歸白髮悲花落青雲羨鳥飛聖朝無闕事自覺諫書稀岑杜同在諫省時兩宮蒙塵時事可言者多矣杜有封事問夜如何岑云聖朝無闕事又云自覺諫書稀岑有愧於杜者多矣

秦州五言二十首內云州圖領同谷驛道出流沙降

虜無千帳居人有萬家馬驕珠汗落胡舞白題斜古
注白題胡名又云鼓角緣邊郡川原欲夜時萬方聲
一槩吾道竟何之又云傳道東柯谷深藏數十家瘦
地翻宜粟陽坡可種瓜又云萬古仇池穴潛通小有
天何時一茅屋送老白雲邊唐人遊邊之作數十篇
中間有三數篇一篇中間有一二聯可采若此二十
篇山川城郭之異土地風氣所宜開卷一覽盡在是
矣綱山送蘄師云杜陵詩卷是圖經豈不信然聽角
篇云萬方聲一槩吾道竟何之聽角者多矣孰如此
言之悲哉

示姪佐云嗣宗諸子姪早覺仲容賢舊注佐草堂在
東柯谷又三首內云白露黃梁熟分張素有期又云
甚聞霜薤白重惠意如何佐別業有黃梁又有霜薤
分遺尊老其生理必小康者

阮隱居致薤云盈苴承露薤不特致書求求比青芻
色圓齊玉筍頭衰年闕高冷味煖腹無憂公轉側兵
火間飢寒籃縷以詩攷之如薇如蕨如韭如笋如薤
如蒼耳如蒿萹皆入賦詠真成一菜壯老人矣然公
於菜中尤重薤有味煖腹無憂之句非嗜生冷者貴
人日費萬錢或一生食萬羊子美晚途以來陽令饋

白酒牛肉暴卒豈若常蔬乎

客至云舍南舍北皆春水但見羣鷗日日來花徑不
曾緣客掃蓬門今始為君開盤殮市遠無兼味樽酒
家貧只舊醕肯與隣翁相對飲隔籬呼喚盡餘杯此
篇若戲效元白體者

嚴武答杜二云卧向巴山月落時兩鄉千里夢相思
可但步兵偏愛酒也知光祿最能詩江頭赤葉楓愁
客籬外黃花菊對誰歧馬望君非一度冷猿秋雁不
勝悲嚴公詩亦佳作豈近朱者赤耶杜有別嚴公五
言云江村獨歸去寂寞養殘生可見子美潔於去就

之際

懷舊云地下蘇司業情親獨有君那因喪亂後便有
死生分老罷知明鏡悲來望白雲自從失詞伯不復
更論文源明得卒章十字可以不朽矣

題玄武禪師屋壁云錫飛常近鶴杯渡不驚鷗玄武
師未詳

贈李白云豈無青精飯使我顏色好若三大藥資山
林跡如掃李侯金閨彥脫身事幽討亦有梁宋遊相
期拾瑤草公與岑參高適詩皆人情世法與謫仙唱
和皆世外一種說話

別房太尉墓云對墓陪謝傅把劍覓徐君用事極精切

自閩赴蜀云棧懸斜避石橋斷却尋溪山館云山鬼吹燈滅厨人語夜闌蜀道荒僻如此

呈嚴公云胡為來幕下祇合在舟下又云老妻憂坐痺幼女問頭風又云寬容存性拙翦拂念途窮又云

曉入朱扉啓昏歸畫角終此篇曲盡幕府賓主情誼春日江村云赤管隨王命銀章付老翁豈知齒牙落

名在薦賢中注漢官儀丞郎月給赤管大筆一雙公時以起部參謀服緋故其詞如此卒章未免有周南

留滯之歎然微而婉

江上值水云為人性僻耽佳句語不驚人死不休焉得思如陶謝手令渠述作與同遊前二句自負不淺卒章乃推尊陶謝可見前哲服善不爭名之意

寄杜位云逐客離皆萬里去知君已是十年流玉壘題書心緒亂何時更得曲江遊此篇言位近聞寬法

新離新州注云位京中宅近西樓新州今屬廣東去京師甚遠卒章思與位復遊曲江則非京師之新州矣當詳攷

登高云無邊落木蕭蕭下不盡長江滾滾流來萬里

悲秋長作客百年多病獨登臺此二聯不用故事自然高妙在樊川齊山九日七言之上

十二月一日雲安縣云一聲何處送書雁百丈誰家上瀨船又云負益出井此溪女打鼓發船何郡郎此二聯真縣圖也

哭鄭司戶蘇少監云豪傑誰人在文章掃地無此篇二十韻錄一聯於此

聞河北節度入朝口號云喧喧道路多歌謠河北將軍盡入朝始是乾坤王室正却教江漢客魂銷又云北道諸公無表來茫然庶事遺人猜又云燕趙休矜

出佳麗宮闈不擬選才人讀杜集至三十卷多遭遇亂離憤嫉跋扈之作此口號十二篇以河北節度將入朝為喜以北道無表為猜欲漁陽哭騎叩鞞兒之歸欲主上如周宣漢武欲諸公為孝子忠臣真一飯不忘君者天寶禍亂自燕趙始今安史已無唯類燕趙佳麗可開選色之場矣子美方有宮闈不擬選才人之句所謂舉筆不忘規諫者耶

終明府水樓云絕壁過雲開錦綉疎松隔水奏笙簧此聯未經入道

別李八秘書云反氣凌行在妖星下直廬又云不才

同補袞奉詔許牽裾又云御鞍金腰裏宮硯玉蟾蜍
此篇三十韻叙舊頗詳秘書不書名必是與公同扈
從入蜀者觀不才同補袞奉詔許牽裾之句似與公
同諫省金腰裏玉蟾蜍近臣方有此賜史失其名當
攷

孤雁云孤雁不飲啄飛鳴聲念群誰憐一片影相失
萬重雲望盡似猶見哀多如更聞野鴉無意緒鳴噪
自紛紛讀此篇便見得鮑當輩止是小家數

吾宗篇云吾宗老孫子質樸古人風耕鑿安時論衣
冠與世同昔溫公約康節服深衣答云某今人衣服

今夜溫公不能強

溪上云塞俗人不井山田飯有沙灑西上風

八月十六夜云河漢近人流絕佳

秋興云聞道長安似奕碁百年世事不勝悲王侯第
宅皆新主文武衣冠異昔時直北闕山金鼓振征西
車駕羽書遲魚龍寂寞秋江冷故國平居有所思公
詩叙亂離多百韻或五十韻或三四十韻惟此篇最
簡而切也

社日云今日江南老他時渭北童又云鴛鴦迴金闕
誰憐病峽中羈旅懷故鄉老大憶髫年人之至情也

公生長章杜老逢社日百官朝天公獨病卧峽中情見乎詞如此

詠懷古跡內先主孔明廟云古廟松杉巢水鶴歲時伏臘走村翁武侯祠屋長隣近一體君臣祭祀同又云萬古雲霄一羽毛又云伯仲之間見伊呂卧龍公没已千載而有志世道者皆以三代之佐許之如云萬古雲霄一羽毛如儕之伊呂間而以蕭曹為不足道此論皆自子美發之考亭南軒近世大儒不能發也又昭君村云畫圖省識春風面環佩空聞歸夜月魂亦佳句也

諸將篇云獨使至尊憂社稷諸君何以答昇平其責望諸將深矣此篇謂張仁愿築三城本欲掃平吐蕃豈知乃用以揀朔方言九節度之敗

宗武生日云詩是吾家事又云覓句新知律乃翁稱之如此而宗武詩無一字存者不若蘇叔黨有集行世有感云諸侯春不貢使者日相望又云不過行儉德盜賊本王臣又云領郡輒無色之官皆有詞願聞哀痛詔端拱問瘡痍此三數聯畧見當日時事使者相望而不貢自若必是內租庸外觀察諸使符牒督賦急於星火領郡之官者皆憚行歟至於欲以儉德

化盜賊為王臣又欲下哀痛詔以問瘡痍唐人惟元結陽城有此意公於春陵行至比之華星秋月不刊之言也

東屯云築場憐穴蟻拾穗許村童可見民胞物與之意

柳司馬至云有使歸三峽相過問兩京函關猶出將渭水更屯兵設備邯鄲道和親邏些城幽燕唯鳥度商洛少人行公去國萬里逢人輒問兩京此數聯乃大曆間事

元日示宗武云汝啼吾手戰吾笑汝身長前有明年

共我長之語此又云吾笑汝身長見愛子長成而喜忽憶江東弟不見而悲其慈愛如此

放船出峽四十韻按公天寶十五載入蜀凡十三年羈旅非一處在夔至久至大歷三年始出峽之巴陝又二年卒攷來陽蜀中諸詩惟夔最多四十韻反復曲折若不忍去雲安者

贈起居田舍人澄詩云舍人退食收封事宮女開函近御筵唐以舍人給事中司匭事又云宮女開函以投所投封事奏御史又云晴窓檢點白雲篇注云謂帝武秋風詞也

張洎雖為詞臣恩澤侯爾今有黃麻似六經之句
之敢問此篇押十六韻叙洎富貴及交遊之情若
親密然卒章皆自拔於疎外無附麗之意與別章左
丞詩云常擬報一飯况懷辭大臣若甚德韋公者然
未句云白鷗沒浩蕩萬里誰能馴公自植立每如此
哀王孫云長安城頭頭白烏夜飛巡秋門上呼又向
人家啄大屋屋底達官走避胡金鞭斷折九馬死骨
肉不待同馳驅腰下寶玦青珊瑚可憐王孫泣路隅
問之不肯道姓名但道困苦乞為奴高帝子孫盡隆
準龍種自與常人殊亂世惟富貴尤難全王孫隆不

不意青草湖扁舟落吾手中原消息斷黃屋今安否
去蜀之吳楚才與妻子弟妹未知逃生之所而以中
原消息斷黃屋今安否為憂此山谷所以有長使詩
人拜畫圖煎膠續絃千古無之歎

後村先生大全集卷第一百八十二終

行云出身天寶今幾年
頑鈍如錘命如帝作官不了
却歸來還是杜陵一男子
北風慘慘投溫泉忽憶先
皇遊幸年蒙恩每俗華池水
扈獵不蹂渭北田一朝
鑄鼎降龍馭小臣聳絕不得去
今來蕭瑟萬井空惟
見蒼山起烟霧不憐蹭蹬失風波
仰天大叫無奈何
敝衣羸馬過故苑
賴過主人杯酒多
沈下賢秦夢記
云泣葬一枝紅
生同死不同
梨花寒食夜深閉翠薇
宮唐詩多流麗
嫵媚有粉繪
氣或以辨博名家
惟蘇州繼陳拾遺
李翰林崛起為一種清絕
高遠之言以矯之
其五言精巧處不減唐人
至於古體歌行如溫

泉行之類欲與李杜並驅
前世惟陶同時惟柳可以
把臂入社餘人皆在下風

岑參送人落第五言云
獻賦頭欲白還家衣已穿
羞過灞陵樹歸種汶陽田
客舍少鄉信床頭無酒錢
聖朝徒側席濟上獨遺賢
又送顏少府云愛客多酒債
罷官無俸錢又宿太白東溪
李老舍寄弟姪云渭上
秋雨過北風正騷騷
天晴諸山出太白
峯最高主人東溪老
兩耳生長毫遠近知百歲
子孫皆一毛中庭井欄上
一架獼猴桃石泉飯香
粳酒甕開新糟愛茲
田中趣始悟世上勞
我行有勝事書此寄爾曹
又春

夢七言云洞庭昨夜春風起故人尚隔湘江水枕上
片時春夢中行盡江南千萬里韋員外家花樹歌云
今年花似去年好去年人到今年老始知人老不如花
可惜落花君莫掃太白胡僧歌云聞有胡僧在太白
蘭若去天三百尺手持楞伽入中峯世人難見但聞
鐘窓邊杖錫解兩虎床下鉢盂藏一龍草衣不針復
不線兩耳垂肩眉覆面此僧年紀那得知手種青松
今十圍心將流水同清淨身與浮雲無是非商山老
人已曾識願一見之何由得山中有僧人不識城裏
看山空黛色登鄴城古體云下馬登鄴城城空復何

見東風吹野火暮入飛雲殿又云城隅南對望陵臺
潯水東流不復回武帝宮中人去盡年年春色為誰
來

高適五言云散笛至棲鳥明燈滅故人又云春韭何
青青藥苗數百畦耕耘有山田紡績有山妻簷前舉
醇醪灶下烹雙鷄人生苟如此何必組與珪春望云
出門何所見春色滿平蕪可嘆無知己高陽一酒徒
漁樵歌云曲岸深潭一山叟駐看眼釣不移手世人
欲得知姓名良久問他不開口笋皮笠子荷葉衣心
無所營守釣磯料得孤舟無定止日暮持竿何處歸

七言句云旅館寒燈夜不眠客心何事轉淒然故鄉
今夜應千里愁髮明朝更一年高岑二公詩氣魄力
量音調節奏生逢開元承平之際與李杜二公更唱
迭吟所謂治世之音也天寶亂離之後所作率多窮
愁感嘆意錄之以觀世變

盧綸送萬巨六言云人愁荒村路細馬怯寒溪水深
望盡青山獨立更知何處相尋又白髮嘆五言云髮
白曉梳頭女驚妻淚流不知絲色後堪得幾回秋送
成都丞云棧長山雨嚮溪亂火田稀送王山人遊江
東山云燕歸巢已盡鶴語塚難尋同柳侍郎題新昌

里云庭莎成野席攔藥是家疏夜中得循州趙司馬
書寄回使云瘴海寄雙魚中宵達我居兩行燈下淚
一紙嶺南書地說炎蒸熱人稱老病餘殷勤報賈傅
莫共酒杯疎從軍行云雪嶺無人跡冰河有雁聲李
陵甘此沒惆悵漢公卿山中別墅云葺橋雙鶴至收
果衆猿隨酬麻道士見寄云聞逐漁夫間看暮忽逢
人世是秦時開雲種玉嫌山淺渡海傳書怪鶴遮陰
洞石幢微有字古壇松樹半無枝煩君遠視青囊錄願
得相從一問師謁液上人云半夜峯中有磬聲偶逢
樵者問山名上方月暗聞僧語下路林疎見鹿行野

鶴巢邊松最老毒蛇潛處水偏清願得遠公知姓字
 焚香洗鉢過浮生春日登樓有懷云年來笑伴皆歸
 去今日清明獨上樓晚次鄂州云估客晝眠知浪靜
 舟人夜語覺潮生舊業已隨征戰盡更堪江上鼓鼙
 聲又姚美人拍箏歌云昭陽伴裏最聰明出到人間
 纔長成遙知禁曲難翻處猶是君王說小名
 李益古促促曲云促促何促促黃河九回曲嫁與梓
 船郎空床將影宿不道君心不如石那令妾貌長如
 玉贈邢校書云俱從四方士共會九州中斷蓬與落
 葉相值各因風送流人云謗遠人多感官微不自明

晴昔長沙事二年召賈生喜見外第云十年亂離後
 長天一相逢聞姓驚初見稱名憶舊容別來滄海事
 語罷暮天鐘明日巴陵道秋山又幾重登夏州城云
 無定河邊數株柳共送行人一杯酒胡兒起作和番
 歌齊唱嗚嗚盡垂手又云回頭忽作異方聲一聲回
 盡征人首度破訥沙云眼見風來沙旋移經年不省
 草生時莫言塞北無春到縱有春來何處知聽梁州
 曲云鴻雁新從北地來聞新一半却飛回金沙戍客
 腸應斷更在秋風百尺臺飲馬泉云從來凍合關山
 路今日分流漢使前莫使行人照容髮恐驚憔悴入

新年宿石泉驛南望黃堆峯云邊城已在虜城塵中
烽火南飛入漢宮漢朝議事先黃老麟閣何人定戰
功邊思云腰懸錦帶佩吳鉤走馬曾防玉塞秋莫笑
關西將家子只將詩思入涼州盧李中表兄弟詩律
齊名其五七言妙絕者已選入絕句然兩生皆從軍出
塞他詩可膾炙傳誦者人多容易看過余既稔稔悉
錄於篇以備遺忘

元次山雪中懷孟武昌云冬來三度雪農者歡歲稔
我麥已相濡各得在倉廩天寒未能起孺子驚人寢
云有山客來籃中見冬簞燒柴為溫酒煮蕨作為潘

客亦愛盃搏忘君共暢飲所嗟山路閉時節寒又甚不
能苦相邀興盡還就枕又賊過示官吏云昔歲逢太
平山林二十年泉源在庭戶洞壑當門前井稅有常
期日晏猶得眠忽然遭世變數歲親戎旃今來典斯
郡山夷又紛然城小賊不屠人貧傷可憐是以陷鄰
境此州獨見全使臣將王命豈不如賊馬今彼徵斂
者延之如火煎誰能絕人命以作時世賢思欲委符
節引竿自刺船將家就魚麥歸老江海邊春陵行云
軍國多所須切責在有司供給豈不憂徵斂又可悲
州小經亂亡遺人實用疲大鄉無十家大族命單羸

朝食是草根暮食乃木皮出言氣欲絕意速行步遲
追呼尚不忍况乃鞭撻之郵亭傳急符來往迹相追
更無寬大恩但有迫促期欲令鬻兒女言發恐亂隨
悉使索其家而又無主資聽彼道路言怨傷誰復知
去冬山賊來殺奪歲無遺所願見王官撫養以惠慈
奈何重驅逐不使存活為安人天子命符節我所持
州縣忽亂亡得罪復是誰逋緩違詔令蒙責固所宜
前賢重守分惡以禍福移亦云貴守官不愛能適時
願惟孱弱者正直當不虧何人采國風吾欲獻此辭
次山春陵五言真稷契口中語杜陵粲粲元道州之

篇即此二詩之跋尾也然其時內租庸使外觀察使
未有敢奏詩次山以附益聚斂求上說者使過今之
執才籌折私毫者居主計之任則次山盡粉矣

王維五言云興來啼鳥緩坐久落花多又烹葵邀上
客看竹到貧家又古木無人徑深山何處鐘又拓漿
菰米飯藟醬露葵羹入行到水窮處坐看雲起時偶
然值林叟設笑無還期又住處名愚谷何煩問是非
又春筍今已老書籍與何人早春云憶君長入夢歸
晚更生疑不及紅簷燕雙棲綠草時桃源行云樵客
初傳漢姓名居人未改秦衣服又藤花欲閤藏猿子

栢葉初齊養麝香洛陽女兒行云自憐碧玉親教舞
不惜珊瑚持與人少年行云縱死猶聞俠骨香老將
行云少年十五二十時步行奪取胡馬騎射殺山中
白額虎肯教部下黃鬚兒一身轉戰三十里一劍曾
當百萬師漢兵奮迅如霹靂虜騎崩騰畏疾慕衛青
不敗由天幸李廣無封緣數竒自從棄置便衰朽世
事蹉跎成白首昔時飛箭無全目今日垂楊生左肘
路旁時賣故侯衣門前學種先生柳茫茫古木連窮
巷落落寒山對虛牖誓令踈勒出飛泉不似潁川空
使酒賀蘭山下陣如雲羽檄交馳日夕聞節度三河

募年少詔書五道出將軍試拂錢衣如雪色聊持寶
劍動星文願得燕公射天將恥令越甲鳴吳軍莫嫌
舊日雲中守猶堪一戰立功勲雜五言云家住孟津
河門對孟津口常有江南船寄書家中否又君自故
鄉來應知故鄉事來日綺窓前寒梅著花未右丞不
汙天寶之亂大節凜然其詩擺落世間腥腐非食煙
火人口中語其五六七言已多選入絕句中今摘其
古律體長篇警句于此

劉隨州送秦系云惆悵青山路煙霞老此人新年云
老至居人下歸春在客先尋洪尊歸云鶴老難知歲

梅寒未作花送人云詩書滿蝸舍征稅及漁竿送穆
喻德云事直皇天在歸遲白髮生送李中丞云流落
征南將曾驅十萬師罷歸無舊業老去戀明時獨立
三邊靜輕生一劍知茫茫江漢上日暮復何之餘千
旅舍云渡口月初上鄰家漁未歸鄉心正欲絕何處
擣寒衣北歸次秋浦云舊路青山在餘生白髮歸漸
知行近北不見鷓鴣飛松江歸宿云明月天涯夜青
山江上秋一官成白首萬里寄滄洲獄中見壁畫佛
云不謂銜冤處而能窺大悲獨棲叢棘下還見雨花
時地狹青蓮小城高白日遲幸親方便力猶畏毒龍

欺六言云危石纔通鳥道空山更有人家桃源定在
深處澗水浮來落花送嚴維云明日行人已遠空餘
淚滴回潮別嚴士元七言云細雨濕衣看不見閑花
落地聽無聲過鄭山人居云寂寂孤鶯啼杏樹寥寥
二犬吠桃源落花芳草無尋處萬壑千峯獨閉門見
新曆云愁占著草終難決病對椒花倍自憐獻李節
度云家散萬金酬士死身留一劍答君恩過賈誼宅
云漢文有道恩獨簿湘水無情弔豈知送人遊天台
云落日獨搖金策去深山誰向石橋逢 非所云斗
間誰與看冤氣益下無由見太陽故裴舍人故居云

籬花猶及重陽發鄰笛那堪落日聽贈于越居云自
用黃金買地居能厭碧玉隨人嫁送郭主簿赴嶺南
云科錢用盡却為謗食客空多誰報恩此二句似為周晉山發者
齊一和尚影堂云身寄虛空如寓客心將生滅是浮
雲又云舊地愁看雙樹在空堂只是一燈懸別李萬
云故人須負干將器誰言未展平生意想君疇昔高
步時肯料如今折腰事上裴尹云西城暗暗斜暉落
衆鳥紛紛皆有托獨立雖輕燕雀羣孤飛還惧鷹鷂
搏自憐天上青雲路弔影徘徊獨愁暮銜花縱有報
恩時擇木誰容托身處歲月蹉跎飛不進羽毛顛顛

何人問遠樹空隨鳥鷓鴣巢林只有鷓鴣分主人庭
中蔭喬木愛此清陰欲棲宿少年扶彈遙相猜遂使
鷺飛往復回不辭奮翼向君去惟怕金丸隨後來唐
人號隨州為五言長城其五言六言七言絕妙者已
選入絕句錢起輩非不欲極力躋攀隨州尺寸終不
近傍豈才分有所局耶即其七言長篇如上裴尹小
鳥之篇反覆宛轉詞近而意遠似為五言所蓋
張籍五言云長因送人處憶着別家時贈僧云翻經
上蕉葉挂袖落藤花宿江店云停燈待賈客賣酒與
漁家五言云月冷邊帳濕沙昏夜探遲征人皆由

誰見斌明時又云夜鹿伴茅屋秋猿守栗林又云蟲
聲籬落下草色戶庭間七言云一山海上無城郭惟
見松碑記象州又云山東二十餘年別今日相逢在
上都說盡向來無限事相看摩捋白鬚髭又云洛陽
城裏見秋風欲作家書意萬重復恐忽忽說不盡行
人臨發又開封又云于君去後交遊少東野無來篋
笥貧賴有白頭王建在眼前猶見詠詩人又崑崙兒
云自愛肌膚黑如漆行時半脫木錦裘白苧云皎皎
山苧白且鮮將作春衣稱少年裁縫長短不能定自
持刀尺向姑前復恐蘭膏汙纖指常遣傍人收墮珥

衣裳着時寒食下還把玉鞭鞭白馬寄衣曲云官家
亦自寄衣去貴從妾手着君身高堂姑老無侍子不
得自到邊城裏殷勤為看初着時征夫身上宜不宜
又七言云願為玉鑿繁華處終日有聲在君側又云
洛陽北門北邱道喪車轉轉入秋草車前齊唱薤露
歌高墳新起白茝茝朝朝暮暮人送奠洛陽城中人
更多千金立碑高百尺終作人家柱下石山頭松柏
半無主地下白骨多於土寒食家家送紙錢鴟鴞作
窠啣上樹人居朝市未解愁請君暫向北邱遊內晏
歸云金吾不敢問行由又七言云誰道遠別心不易

天星墜地能為石幾時斷得城南陌勿使居人傷行
役又云九月匈奴殺邊將漢軍全沒遼水上萬里無
人收白骨家家城下招魂葬婦人依倚子與夫同居
貧賤心亦舒夫死戰場子在腹妾身雖存如畫燭又
云願君到處自顯名他日知君從此去又賞客云停
盃去說遠行期入蜀荆蠻誰別離金多衆中為上客
夜夜篝緡眠獨遲又楚宮行云章華宮中九月時桂
花半落紅橘垂江頭騎火照輦道君王夜從雲夢歸
下輦更衣入洞房巴姬起舞向君王回身垂手結明
璫願君千年萬年壽朝出射鹿夜飲酒永嘉行云黃

頭鮮卑入洛陽胡兒持戟昇明堂晋家天子作降虜
公卿齊走如牛羊紫陌旌旗暗相觸家家雞犬驚上
屋婦人出門隨亂兵夫死眼前不敢哭九州諸侯自
顧土無人領兵來護主北人避胡多在南南人至今
能晉語董逃行云洛陽城頭火瞳瞳亂兵燒我天子
宮宮城南面有深山盡將老幼藏其間重巖為屋椽
為食丁男夜行候消息聞道官軍猶掠人舊里如今
歸未得董逃行云漢家幾時重太平又七言云君愛
龍城征戰功妾願青樓歡樂同人生各各有所欲詎
得將心入君腹又還味吟云君知妾有夫贈妾雙明

珠感君纏綿意繫在紅羅襦妾家高樓連苑起良人
執戟明光裏知君用心如日月事天誓擬同生死還
君明珠雙淚垂何不相逢未嫁時又云上陽宮樹黃
復綠野豺來苑食麋鹿陌上老翁雙淚垂共說武皇
巡幸時

王建五言云蛙鳴蒲葉下漁入稻花中又云閉門留
野鹿分食養山雞又云妻愁貪酒甚人怪考詩嚴又
云野羹溪菜滑山紙水苔香又云掃渠憂竹旱澆地
引蘭生又云送經還野寺移酒入幽林六言云魚藻
池邊射鴨芙蓉苑裏看花日色赭袍相似不着紅鸞

扉遮寒食行云寒食家家出古城老人看屋少年行
邱瓏年年無舊道車徒散行入衰草牧童驅牛下塚
頭畏有人家來洒掃遠人無墳水頭祭還引婦姑望
鄉拜三日無火燒紙錢紙錢那得到黃泉但看隴上
無新土此中白骨應無主北邙行云北邙山頭少聞
土盡是洛陽人舊墓舊墓人家歸葬多堆着黃金無
買處天涯悠悠葬日促崗坂崎嶇不停轂高張素幘
繞銘旌夜唱挽歌山下宿洛陽城北復城東魂居祖
馬長相逢車轍廣若長安路蒿草多於松柏樹山頭
澗底石漸稀盡向墳前作羊虎誰家石碑文字滅

後人重取書年月朝朝車馬送葬回還起大宅與高
臺溫泉宮云十月一日天子來青繩御路無塵埃宮
前內裏洛陽別每箇白玉芙蓉開朝元閣向山上起
城繞青山龍暖水夜開金殿看星河宮女知更月明
裏武皇得仙王母去山雞畫鳴宮中樹溫泉泱泱出
宮流宮使年年脩玉樓禁兵去盡無射獵日西麋鹿
登城頭梨園弟子偷曲譜頭白人間教歌舞田家行
云麥叔上場絹在軸的知偷得官家足不望入口復
上身且免向城賣黃犢田家衣食無厚薄不見縣門
身即樂遼東行云年年郡縣送征人將與遼東作邱

坂寧為草木鄉中行有身不向遼東 射虎行云自
去射虎得虎歸官差射虎得虎遲獨行以死當虎命
兩人相疑終不定朝朝暮暮空手回山下綠茵成道
徑遠立不敢污前鏃聞道還來分虎肉惜留猛虎着
深山射殺恐畏終身開贈王樞密云三朝行坐鎮相
隨今上春宮見小時晚下御衣先賜着進來龍馬每
紋騎長承密旨歸家少獨奏邊機出殿遲自是姓同
親向說九重爭遣外人知贈附馬云金埒減添栽藥
地玉鞭手與賣書人又七言云生金有氣尋還遠仙
藥成窠見即移又云薦書入後無消息賣盡寒衣却

出城又云草堂未辦終須置松樹難成并且栽樂府
至張籍王建諸公道盡人意中事惟半山尤賞好有
看若尋常最奇崛成如容易極艱辛之語此十四字
唐樂府斷案也本朝惟張文潛能得其道意

盧仝寄男抱孫五言云別來三得書書道違離久書
處甚麓殺且喜見汝手殷十七又報汝文願新有當
是汝母賢日夕加訓誘竹林吾最惜新笋好看守籜
龍正稱冤莫教入汝口丁寧囑託汝汝活籜龍否兩
手莫破拳一啄莫飲酒莫惱添丁郎淚子作面垢莫
引添丁郎赫赤日裏走他日吾歸來家人皆彈糾一

百放一下打汝九十九此篇用盡俗字而不害其為
奇崛何嘗似近世詩人學鍊字哉守歲云老來經節
臘樂事甚悠悠不及兒童日都盧不解愁新蟬云泉
溜潛幽咽琴鳴乍往還長風剪不斷還在樹枝間村
醉云村醉黃昏歸健到三四五摩摩青莓苔嗔我驚
爾請客云我願投黃泉輕舉隨君去去家謝井云
改邑不改井此是井卦辭井公莫驚怪說我成憨癡
我縱有神力爭敢將公歸揚州惡百姓疑我卷地皮
掩關銘云蛇毒毒有形藥毒毒有名人毒毒在心對
面如弟兄美言不可聽深於千丈坑不如掩關坐幽

鳥時一聲舍義酬三川云長壽寺石壁盧公詩一首
詩鯨飲海水盡露出珊瑚枝海神知貴否知價留人
間光昭夜嘆昨日云昨日之日不可追今日之日須
更期如此如此復如此壯心死盡生髮絲秋風葉落
客斷腸不辨斗酒開愁眉賢名聖行甚辛苦周公孔
子徒自欺盧馬結交時退之必退見之無一語及豈
未見耶新年云大歲只遊桃李徑春風肯管歲寒枝
又沈與山云不須服藥求神仙神仙意智或偶然自
古聖賢放入土淮南雞犬驅上天白日上昇應不惡
藥成且輟一丸藥暫時掩上山門路釣竿插在枯桑

樹當時只有鳥窺窬更亦無人得知處家僮若失釣
魚竿定是猿猴把將去玉川詩有古樸而奇怪者有
質俚而高深者有僻澁而條鬯者元和大歷間詩人
多出韓門韓於諸人多稱其名惟玉川常加先生二
字退之強項非苟下者人者今人但誦其月蝕及茶
詩而他作往往容易看了此公雖與世殊嗜好然以
詩求之於養生槩有所聞其序閨情酒興纏綿悲壯
唐以來詩客酒徒不能道也其間理到之言他人所
棄者今存于篇又常州孟諫議座上閨韓員外貶國
子博士有感五言云忽見除書到韓君又學官死生

從有命人事始知難烈火先燒玉庭蕪不養蘭山夫
與刺史相對兩噴吐又云千祿無便佞宜知黜此生
員郎猶小小國學太頻頻孤宦心肝直天王若死嗔
朝廷無諫議誰是雪韓人又曰誰憐野田子海內一
韓侯左道官雖樂剛腸得健無賦侯功名生地獄禮
教死天囚莫言耕種好須選蒺藜秋此三詩出于山
人之口豈非公議在草茅耶

王昌齡五言云北登漢家陵南望長安道上有朽樹
根下有碩鼠巢高皇子孫盡千載無人過寶玉頻發
掘精靈其奈何又長信愁云邊頭何慘慘已葬霍將

軍部曲寄和弔燕南代北聞功勳多被黜兵馬亦紛
更合遣黃頭或惟當哭塞雲朝來曲云月昃鳴珂
花連繡戶春盤龍玉臺鏡唯待畫眉人代扶風主人
答云去時三十萬獨自還長安不信沙場若君看刀
箭瘢雜興云握中銅匕首粉剉楚山缺義士頻報讎
殺人不曾缺答武陵田太歲守云伏劍行千里微軀
敢一言曾為大梁客不負信陵恩又越女云摘取芙
蓉花莫摘芙蓉葉將歸問夫婿艷色何如妾青樓七
言云白馬金鞍從武皇旌旗十萬宿長楊樓頭小婦
坐遙見飛塵入建章出塞云秦時明月漢時關

萬里長征人未還但使龍城飛將在不教胡馬度陰
山採蓮曲云吳姬越艷楚王妃曾弄蓮花水濕衣來
時渡口花迎入採罷江頭月送歸浣紗女云錢塘江
畔是誰家江上女兒全勝花吳王在時人不出今日
公然來浣紗昌齡江寧人舉進士宏詞為汜水尉以
不矜細行貶世亂還鄉為刺史閭邱曉所殺曉不知
為誰與黃祖殺禰衡段簡殺陳子昂事相類史評其
詩句密而思清唐人琉璃堂圖以王昌齡為詩
其尊之如此集存者三卷絕句高妙者已入詩選
許渾五言云鷺巢行卧柳猿飲倒垂藤又云

婦懶蠶出小姑忙題王居士云雨中耕白水雲外斲
青山題峽山寺云山風寒殿磬溪雨夜船燈宿石屏
村云僧歸下嶺見人語隔溪聞題韋隱居西齋云寺
遠僧來少橋危客過稀又五言云溪水寒棹響岩雪
夜窓明又云漁火夜移灣七言云自剪青莎織雨衣
南村烟火是柴扉菜妻早報蒸梨熟童子遙迎種豈歸
又云今夜月明何處宿九嶷雲盡綠參差又云山齋
留客掃黃葉野艇送僧披綠莎又云潮生水郭蕪葭
響雨過山城橘柚疎又云龍歸曉洞雲猶濕麝過春
山草自香又云猿來近嶺獼猴散魚下深潭翡翠

後村先生大全集
開又云青山有雪諳松性碧落無雲稱鶴心又云楸
梧遠近干官塚木黍高低六代宮又云嵇阮沒來無
酒客應劉亡後少詩人閒遊驪山云聞說先皇醉碧
桃日華浮動鬱金袍風隨玉輦笙歌迴雲捲珠簾劍
佩高鳳駕北歸山寂寂龍旗西幸水滔滔貴妃沒
後巡遊少花落宮墻見野蒿登故洛陽城云黍黍離
離半野蒿昔人城此豈知勞水聲東去市朝變山勢
北來宮殿高鴉噪暮雲歸古洞蝶迷寒雨下空壕可
憐緱嶺登仙子猶自吹笙歌碧桃凌獻臺云湘潭雲
盡暮山出巴蜀雪消春水來行殿有基荒薺合寢園

無主野棠開四皓廟云避秦安漢出藍關松桂花陰
滿舊山豈是無人有歸意白雲長在水潺潺渾字用
晦仕至郢州刺史居京口丁卯橋古律詩三卷名丁
卯集其詩如天孫之織巧匠之斲尤善用古事以發
新意其警聒快句雜之元微之劉夢得集中不能辨

後村先生大全集卷第一百八十三終

第35450号

平成 3.11.22

聖和学


928

園短大

丁

圖書館

45



Handwritten text in a rectangular stamp, likely a library or archival mark. The text is faint and difficult to read but appears to include a date and some characters.

秀

